

# Psalm 119 - Salig wie in hul opregtheid

D	G	D	A
D	G	D	A D
A	D	G	D A
D	G	D	A D

1. **Salig wie in hul opregtheid  
wandel in Jahweh se wet,  
wie Hom soek van ganser harte  
en op Sy getui'nis let.  
Salig dié wat in hul wandel  
nie op onregspaaie gaan,  
maar wil wandel op die weë  
in Sy wet vir hul gebaan.**
2. **As ek Jahweh's wet wat billik,  
reg en waar is, maar kan leer,  
dan word U van ganser harte  
en opreg deur my geéer.  
Ek loof Jahweh, want regverdig  
is U regte, woord en daad.  
Wil dan nimmer my verlaat nie  
wat U wet nie wil verlaat.**
3. **Hoe sal in sy jeug die jong'ling,  
gou deur ydelheid bekoor,  
rein kan wandel in sy wee?  
As hy wandel in U spoor!  
U soek ek van ganser harte.  
Jahweh, hou my hande vas,  
dat ek van U spoor nie dwaal nie  
en die kwaad my nie verras.**
4. **Daarom sluit ek al U woorde  
in my hart sorgvuldig in,  
dat ek nie teen U sou sondig  
en te minder U bemin.  
God, Jahweh, U is lofwaardig!  
Leer my tog U regte wél.  
Met my lippe sal ek wysheid  
van U wet alom vertel.**
5. **Help, Jahweh, dat ek kan lewe;  
dan wil ek U Woord bewaar.  
Laat my oog aanskou die wonders  
wat U wet my openbaar.  
Wat besit ek hier op aarde?  
Niks is daar wat my behoort.  
Maar één ding, daarna verlang ek –  
dis die rykdom van U Woord.**
6. **Weer my voet van leuenpaaie  
en verleen my tog U wet.  
Laat my kies die weg van waarheid  
en wat U verorden het.  
Aan U wet, my hoogste vreugde,  
is my liefde toegewy;  
daaraan dink ek, daarna soek ek,  
in Jahweh, verdiep ek my.**
7. **Jahweh, leer my om U wette  
tot die einde toe te hou;  
gee verstand en gee volharding,  
dan bly ek daaraan getrou.  
Neem U Woord nie uit my mond nie,  
waar my hoop op is gebou.  
Dan getuig ek van U waarheid  
wat ek graag wil onderhou.**
8. **Jahweh, U's my deel op aarde,  
en U Woord is my die skat  
wat U aan my toevertrou het  
op die lange pelgrimspad.  
Ek het heel my hart aan U nou  
in my smeking uitgestort,  
maak my dan U guns deelagtig,  
laat U woorde waarheid word.**

D	G	D	A
D	G	D	A      D
A	D	G	D      A
D	G	D	A      D

9. Dat U my verdruk het, Jahweh,  
dit was enkel goed vir my,  
want daardeur het U my dieper  
in U kennis ingelei.  
Daarom is dit my veel beter  
as die allerrykste skat,  
meer as al die goud en silwer  
wat die wêreld kan bevat.
10. U, Jahweh, het my gesake  
deur U Goddelike hand –  
ag, herskep my nou inwendig  
en verlig U my verstand.  
Al U dienaars sien my lewe  
en dit is hul siel 'n vreug  
dat my siel op U beloftes  
so vrymoedig hom verheug.
11. Op U heil wag ek verlangend,  
op U Woord hoop ek altoos,  
en ek vra met smagtend oë:  
**Wanneer sal U my vertroos?**  
Laat my hart maar net opreg wees  
voor Jahweh wat alles sien,  
dan sal my geen skaamte oorkom  
as ek U van harte dien.
12. Nou wag ek op U, o Jahweh,  
wat van al my kommer weet –  
op die uitkoms van U woorde  
wat my hart nie kon vergeet.  
Was U wet nie al my lus nie,  
dan het ek in smart versmag;  
vandat dit my krag gewek het,  
dink ek daaraan dag en nag.
13. Jahweh's Woord is onbeweeglik,  
en U waarheid het geen end,  
soos die sterre wat bly vonkel  
aan die hoë firmament.  
Met die duur van mensgeslagte  
sal U bondstrou nooit beswyk;  
soos die aarde~is dit bevestig  
wat nie van sy grondslag wyk.
14. Nimmer, nêrens het my oë  
op die wêreld iets aanskou  
wat bestendig voort kan duur nie  
en sy wese kan behou.  
Wat volmaak skyn, het 'n einde,  
moet, met al wat is, verslyt;  
Jahweh's wet, dit duur oneindig,  
dis volmaak en eindloos wyd.
15. Jahweh's Woord is my 'n fakkel  
wat sy ligglans voor my dra,  
voor my voet die duisternisse  
van my lewenspad verjaag.  
Ek sal, deur U groot ontferming  
dit bevestig, dat ek my  
van 'n wêrldnag omgewe,  
deur dié ligglans wil laat lei.
16. Slegs deur Jahweh se genade  
wyk ek van die slegte pad;  
maar ek wyk nie van U regte,  
want hul is my wysheidskat.  
Jahweh, my is U gebooie  
reiner, fyner duisendvoud,  
meer gelouterd en gekeurmerk  
as die allerfynste goud.

D	G	D	A
D	G	D	A      D
A	D	G	D      A
D	G	D	A      D

- 17.** Dis 'n lig wat klare kennis  
aan eenvoudiges ontdek;  
dis die asem van die lewe  
wat ek diep na binne trek.  
Jahweh draai nie weg van my nie,  
wees my gunstig na die reg  
wat in U verbondsgeheim'nis  
aan U volk is toegeseg.
- 18.** God, Jahweh, U is regverdig,  
U verordening is reg;  
U getuienis is billik –  
en U waarheid waar en heg.  
U geregtigheid bly ewig,  
onveranderlik bestaan,  
en U waarheid is 'n waarheid  
wat nie wankel of vergaan.
- 19.** Tot U roep ek; Jahweh, hoor my,  
en verlos my, maak my trou,  
dat ek U getuienis  
heel my lewe lank kan hou.  
Op U Woord steun my verwagting:  
smôrens by die eerste lig  
is my oë en my hande  
en my stem tot U gerig.
- 20.** Ek loof Jahweh, op U hoop ek,  
op U wette gee ek ag;  
en ek hou wat U getuig het  
vol van liefde~en stil ontsag.  
Ek voeg my na U bevele –  
mag ek dié maar nooit vergeet!  
Jahweh, U ken al my weë;  
dis voor U wat alles weet.
- 21.** Mag my klag tot Jahweh nader,  
mag dit opklim deur die lug!  
Maak my, na U Woord, verstandig,  
red my as ek tot U sug!  
Van my lippe stroom die sange,  
want U maak my waarlik wys:  
al U wette is regverdig,  
daarom sal my tong dit prys.
- 22.** Help my, Jahweh, hoe verlang ek  
en hoe sug ek diep en swaar  
na die heil wat U beloof het,  
na U kennis wonderklaar!  
Laat my leef; Jahweh, dan loof ek!  
Laat nikks my die heil ontroof!  
Laat U oordeel my tot hulp wees!  
Laat my lewe om te loof!
- 23.** Soos 'n skaap is ek verlore,  
in die wildernis verdwaal.  
U, Jahweh, my Herder, bid ek  
dat U my tog wil kom haal.  
Soek my, bring my weer, U dienaar  
wat in al sy harteleed,  
en in al sy teënhede,  
U gebooie nie vergeet.